

08 NOIEMBRIE

RUGACIUNEA 1

SF.INGER PAZITOR

Моли́тва

О, свѣтъй Ангеле, хранителю и покровителю мой благий! С сокрушеннымъ сердцемъ и болезненною душою предстою ти, моляся: услыши мя, грешнаго раба своего (имя), с воплемъ крепкимъ и плачемъ горькимъ вопиющаго. Не помяни моихъ беззаконий и неправд, имиже азъ окаянный прогневаю тя по вся дни и часы, и мерзостна себе творю предъ Создателемъ нашимъ Господемъ. Явися мне милосерд и не отлучайся мене сквернаго даже до кончины моея. Возбуди мя отъ сна греховнаго и пособствуй твоими молитвами прочее время живота моего без порока прейти и сотворити плоды достойны покаяния, паче же от смертныхъ падений греховныхъ соблюди мя, да не погибну во отчаянии и да не порадуется врагъ о погибели моей. Вемъ воистинну и усты исповедую, яко никтоже таковъ другъ и предстатель, защититель и поборникъ, якоже ты, свѣтъй Ангеле. Предстоя бо Престолу Господню, молишися о мене непотребномъ и паче всехъ грешнейшемъ, да не изыметъ Преблагий души

моея в день нечаяния моего и в день творения злобы. Не престай убо умилоствляя Премилосердаго Господа и Бога моего, да отпустит согрешения моя, яже сотворих во всем житии моем, делом, словом и всеми моими чувствами, и имиже весть судьбами да спасет мя, да накажет мя zde по Своей неизреченной милости, но да не обличит и не истязет мя онамо по Своему нелицеприятному правосудию, да сподобит мя покаяние принести, с покаянием же Божественное Причащение достойне прияти, о сем паче молю, и таковаго дара всеусердно желаю. В страшный же час смерти неотступен буди ми, благий Хранителю мой, прогоняя мрачныя демоны, имущия устрашити притрепетную душу мою. Защити мя от тех ловления, егда имаю преходити воздушная мытарства, да храним тобою, безбедно достигну раю ми вожделеннаго, идеже лица святых и горних сил непрестанно восхваляют всечестное и великолепое имя в Троице славимаго Бога, Отца и Сына и Святаго Духа, Ему же подобает честь и поклонение во веки веков. Аминь.